




陽縣志卷之九上

汝陽縣知縣渭南邱天英續修

妃后補

人物志

鄉賢 列女 游寓
方技 仙釋 雜記附

志曰汝南人物唐虞以前無聞矣自商周來代有

傳人而東漢尤盛按班范史汝南郡三十七城

若宜春平輿安成陽城富波俱省入汝陽而袁

氏許氏周氏應氏爲汝陽著姓公侯將相忠孝

RWTL 1325/66

節義炳炳麟麟實甲天中其餘光明俊偉之士
自魏晉以迄元明載在正史者班班可考也彙
而集之豈獨詡前人勛名之赫奕亦以俾生茲
土者曠世相感庶古人之流風餘韻不與陵谷
變遷云志人物

妃后補

商

太任平興人

嘗讀漢史見汝南人物之盛先後蔚起實田元
中後考唐世系表及路史諸書湯左相仲虺七
世孫曰成徙國於莘莘平興也再世而生太任
爲季歷元妃詩曰思齊太任文王之母思媚周
姜京室之婦又曰韋仲氏任自彼殷商乃及王

季維德之行周家聖母多矣前有姜嫄後有太
妃而太任光裕於其間宜詩人之咏歌不置也
特列妃后一條以見朗山汝水之降神也從來
遠矣即天英藏

鄉賢補

漢光祿大夫周舉

漢廣陵太守袁良

漢司隸校尉應奉

漢零陵太守周嘉

漢侍中戴憑

漢陳留太守周防

漢泰山太守周乘

漢賢良方正周 燮

漢重合令周 磐

漢光祿主事范 滂

漢泰山太守應 劭

漢東閣祭酒蔡 順

漢司空袁 安

漢徵君黃 憲

漢太傅錄尚書事高陽侯陳 蕃

漢大司徒許靖

漢功曹許邵

漢徵拜侍中薛包

晉梁州刺史周訪

梁祠部郎周捨

唐檢校尚書右僕射贈司徒周彝

宋知制誥掌三班院孫何

宋給事中孫僅

明湖州少府張琳

明山西道監察御史巡按陝西楊來鳳

明扶風教諭石昂

明威寧訓導李玠

明漢中憲副張景

明湖廣憲副張惟恕

明工部員外郎桂祥

明蘇州府知府張元孝

明濟陽訓導李孟禎

明鄜州知州羊傑

明南京吏部尚書趙賢

明瑞陽少府羊可立

明封文林郎李呈芳

明贈正議大夫兵部尚書傅一善

明工部右侍郎桂有根

明臨頓教諭張自立

明太子少保吏部尚書加贈太子太保莊靖李宗
延

明山東按察司按察使楊位

明山東布政使司右布政使吳愈

明恩蔭趙得卯

明南京兵部尚書贈太子太保莊毅傅振商

明賜進士亞中大夫山東叅政孔惟德

明賜進士工部尚書印府孔

明賜進士第監察御史劉紳

明賜進士出身戶部主事劉訓

明賜進士山東萊州府同知劉誨

甚哉士之不可不自砥礪也懿行修於一時而
俎豆永於百世雖云崇曩哲實以勸將來也後
人觀其姓氏考其嘉行或功著於朝宁或品隆
於鄉黨陵谷變遷而廟祀不敗相與勉爲實行
而恥爲浮薄其必由此也夫

人物列傳

秦

陳勝字涉汝南陽城人少常與人傭耕歎曰苟
富貴無相忘也傭者笑涉曰燕雀安知鴻鵠之
志哉秦二世發間左戍漁陽勝度失期法當斬
乃會陽夏吳廣舉事勝自立爲王號張楚豪傑
響應卒以亡秦

陳涉之起魚書狐鳴其事微矣而太史公列

諸世家又曰涉雖死其所置遺侯王將相竟
亡秦予陳涉之功所以甚秦之罪也嗚呼涉
亦人傑也哉

史記陳涉陽城人而不詳書其地按漢書地
理志陽城一在潁川一在汝南觀趙高譖李
斯曰丞相長男李由爲三川守楚盜陳勝皆
丞相旁縣之子以故楚盜公行過三川城守
不肯擊川陳涉爲汝南人

漢

周

仁字季房平王少子汝墳侯烈十九世孫

俱嗣侯秦滅周邕失侯邕生秀秀生仁漢興續

周之嗣復封仁爲汝墳侯賜號正公以汝墳下

濕徙安成十子長曰球執金吾生平陵令應應

生郎中孝廉道道生五官中郎約

周

燕字少卿汝南人約子也宣帝時爲郡決曹

掾太守枉殺囚燕諫不從遂殺囚黜燕囚家守

闕稱寃詔遣覆考燕見太守曰願定文書著燕
名府君但言時病而已出謁掾吏曰諸君被問
以罪推燕如一言及府君手劒相刃使乃收燕
繫獄屢被掠楚辭無屈撓當下蠶室歎曰我平
王之後正公元孫豈可以刀鋸之餘下見先君
遂不食死五子子輿重合令子羽櫟陽令子仲
東海太守子明兗州刺史子良潁陽令號曰五

尹更始字翁君漢宣帝時從郎中戶將蔡千秋受
穀梁春秋與蕭望之等各以經義顯於世仕至
諫大夫長樂戶將又通左氏取其變理合旨爲
章句傳子咸及翟方進瑯邪房鳳咸至大司農
桓寬字次公治公羊春秋舉爲郎仕至廬江太
守丞博通善屬文推衍鹽鐵論增廣條目極其
論難著數萬言究治亂成一家之法

何並字子廉平興人何武舉能治劇爲長陵令